

HOUTLUISTABATA MOTIBO PA CERA BEATRIX SCHOOL

ORANJESTAD (AAN) Experiencia cu gobierno a haya riba tereno Educativo pa loke ta trata schoolnan ta algo basta problematico y e situacion di Beatrix School ta uno di nan. Gobierno a drecha mas o menos den e paar di añaan den gobernacion a ser uza como 10 miyon florin pa reparacion y mantencion, asina Ministro di Ensenanza Freddy Refunjol a duna di conoce.

Segun Ministro Refunjol falta ainda 25 miyon florin pa worde inverti den e schoolnan cu mester worde drecha. Den esaki Departamento Ensenanza a traha lista nan di prioridad. Tabata tin 3 lista porcientio, segun e lista gobierno ta bay.

Ta asina cu inspeccion nan

ta worde teni, e inspeccion cu a worde haci prome biaha e situacion di Beatrix school no tabata di e malo o grave ey. Den e ultimo inspeccion cu a worde haci lo contrario a resulta cu e situacion tabata hopi grave debi cu e school ta yen di "houtluis" den e caso aki Beatrix School ta un

"houtluis" special cu ora bo spuit e bo no ta mate, pues mester cera e school, spuit laga e spuit un pa dos siman y bolbe spuit un biaha mas anto asina extermina e insecto aki. E ta algo cu gobierno a encontra na La Salle School tabata e tipo di insectonan ariba menciona.

E insectonan aki ta traha masha lihe y nan ta destrui loque nan por.

Aña pasa na Augustus e aña escolar nobo cu a inicia. Gobierno a cuminza un metodo nobo cu yama "taal actief" na Beatrix School te hasta e kaftnan di e taal aki ser comi, den un aña di tempo. E insectonan aki ta masha activo mes, ta asina cu tur dia e schoolnan ta worde haci limpi y mainta e school ta lanta yen di sas.

Ministro di Educacion a duna di conoce, prome cu

algo mas grave a pasa a dicidi di cera Beatrix School y manda alumnonan den diferente otro school. Gobierno tabata sa cu tabata tin un encumbiniente, ta un situacion fastioso pero Ministro Refunjol ta sigur cu e ta un situacion menos peligroso cu si e alumnonan a keda na Beatrix School.

Tin problemanan cu ta crece durante aña, y Beatrix School ta un di nan den sentido cu e

school aki consisti di 17 klas, locual Ministro Refunjol personalmente y Departamento di Ensenanza a haya cu no mester a sosode.

Den e esaki pa evita cu e school aki sigui crece, pa trece na metodonan di school normal, Gobierno a tuma e decision cu school nobo lo worde traha na Sero Blanco, e ora e alumno nan lo worde parti entre Beatrix School y School nobo Sero Blanco.